



# ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՎԱՅՈՑ ՁՈՐԻ ՄԱՐԶ ԵՂԵԳՆԱԶՈՐ ՀԱՄԱՅՆՔ

ք. Եղեգնաձոր

14 հուլիսի 2025թ.

## ԱՐՁԱՆԱԳՐՈՒԹՅՈՒՆ N 8 ԱՎԱԳԱՆՈՒ ԱՐՏԱՀԵՐԹ ՆԻՍՏԻ

Համայնքի ավագանու նիստին ներկա էին ավագանու 11 անդամներ:

Բացակա էին՝ Դավիթ Հարությունյանը, Արմեն Վարդանյանը, Ծովինար Հովհաննիսյանը, Գրիգոր Սարգսյանը, Թամարա Մկրտչյանը, Ծովինար Սարգսյանը, Սոնա Մարգարյանը, Կարեն Մանասերյանը, Մարատ Շահբազյանը և Վահե Վարդանյանը:

### Նիստին մասնակցում էր՝

Եղեգնաձորի համայնքապետարանի աշխատակազմի քաղաքաշինության, հողաշինության, գյուղատնտեսության և բնապահպանության բաժնի գլխավոր մասնագետ Սամվել Այվազյանը:

### Նիստը վարում էր համայնքի ղեկավարի առաջին տեղակալ՝ Վարդան Ավագյանը

### Նիստն արձանագրում էր աշխատակազմի քարտուղար՝ Մարինե Հովհաննիսյանը

### ԼՍԵՑԻՆ.

ԵՂԵԳՆԱԶՈՐ ՀԱՄԱՅՆՔԻ ԱՎԱԳԱՆՈՒ 2025 ԹՎԱԿԱՆԻ ՀՈՒԼԻՍԻ 14-Ի ԱՐՏԱՀԵՐԹ  
ՆԻՍՏԻ ՕՐԱԿԱՐԳԸ ՀԱՍՏԱՏԵԼՈՒ ՄԱՍԻՆ

(Զեկ. ՎԱՐԴԱՆ ԱՎԱԳՅԱՆ)

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 16-րդ հոդվածի 4-րդ մասի պահանջով՝ ավագանին ո ռ ո շ ե ց .

1. Հաստատել Եղեգնաձոր համայնքի ավագանու 2025 թվականի հուլիսի 14-ի արտահերթ նիստի հետևյալ օրակարգը.

1) Եղեգնաձոր համայնքի ավագանու 2025 թվականի հուլիսի 14-ի արտահերթ նիստի օրակարգը հաստատելու մասին:

2) Եղեգնաձոր համայնքի 2025 թվականի բյուջեում փոփոխություններ կատարելու մասին:

3) Եղեգնաձոր համայնքի 2025 թվականի բյուջեի 2-րդ եռամսյակի ընթացքի մասին:

4) Եղեգնաձոր համայնքի համայնքային սոցիալական ծրագրի շրջանակներում տրամադրվող աջակցությունը հաստատելու մասին:

5) Եղեգնաձոր համայնքում ապատեղեկատվության դեմ պայքարի տեղական քաղաքականությունը հաստատելու մասին:

6) 0.97607 հա հողատեսքի նպատակային նշանակությունը փոփոխելու համար համաձայնություն տալու մասին:

7) 0.05417 հա հողատեսքի նպատակային նշանակությունը փոփոխելու համար համաձայնություն տալու մասին:

8) 0.065 հա հողատեսքի նպատակային նշանակությունը փոփոխելու համար համաձայնություն տալու մասին:

9) Համայնքային սեփականություն հանդիսացող 0.00404 հա մակերեսով հողատարածքն ուղղակի վաճառքով օտարելու մասին:

10) «Դավիթ Սմբատյան» սահմանափակ պատասխանատվությամբ ընկերության կողմից Մալիշկա բնակավայրի տարածքում նախատեսվող գործունեությանը համաձայնություն տրամադրելու մասին:

11) 01.07.2025 թվականի դրությամբ Եղեգնաձոր համայնքի հողային հաշվեկշռին համաձայնություն տալու մասին:

2. Սույն որոշումն ուժի մեջ է մտնում ստորագրման պահից:

|         |       |           |
|---------|-------|-----------|
| Կողմ-11 | Դեմ-0 | Ձեռնպահ-0 |
|---------|-------|-----------|

Որոշումն ընդունված է. (կցվում է որոշում N 92-Ա)

## **ԼՍԵՑԻՆ.**

**ԵՂԵԳՆԱՁՈՐ ՀԱՄԱՅՆՔԻ 2025 ԹՎԱԿԱՆԻ ԲՅՈՒՋԵՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

**(Ձեկ. ՄԱՐԻՆԵ ՀՈՎՀԱՆՆԻՍՅԱՆ)**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 5-րդ կետով և «Հայաստանի Հանրապետության բյուջետային համակարգի մասին» Հայաստանի Հանրապետության օրենքի 29-րդ հոդվածի 5-րդ, 33-րդ հոդվածի 4-րդ մասերի պահանջներով և հիմք ընդունելով Հայաստանի Հանրապետության կրթության, գիտության, մշակույթի և սպորտի նախարարի 2023 թվականի մարտի 2-ի N 16-Ն հրամանի հավելված 1-ի 18-րդ կետի պահանջը՝  
**ավագանին ո ղ ո շ է ց .**

1. Եղեգնաձոր համայնքի ավագանու 2025 թվականի հունվարի 21-ի թիվ 02-Ն որոշմամբ հաստատված բյուջեում կատարել հետևյալ փոփոխությունները.

1) Օրենքով և իրավական այլ ակտերով սահմանված համայնքի վարչական բյուջե մուտքագրվող այլ եկամուտներ տողին (տող 1393) ավելացնել 399 900 (երեք հարյուր իննսունինը հազար ինը հարյուր) ՀՀ դրամ և այն նպատակաուղղել 09.01.01 (նախադպրոցական կրթություն) ոլորտի տնտեսագիտական դասակարգման 4511 (սուբսիդիաներ ոչ ֆինանսական պետական կազմակերպություններին) հոդվածին՝ Հայաստանի Հանրապետության կրթության, գիտության, մշակույթի և սպորտի նախարարի 2025 թվականի մարտի 19-ի «Նախադպրոցական ուսումնական հաստատությունների մանկավարժական աշխատողներին տարակարգ շնորհելու մասին» N 694-Ա/2 հրամանի համաձայն «Եղեգնաձոր համայնքի թիվ 5 մանկապարտեզ ՀՈԱԿ-ի» մեթոդիստ Ասյա Դովլաթյանին սահմանած չափով հավելավճար տրամադրելու նպատակով.

2) Եղեգնաձոր համայնքի համայնքային սոցիալական ծրագրի շրջանակներում նախատեսված ենթածրագրերով աջակցությունների տրամադրման նպատակով՝ 10.07.01 (սոցիալական հատկացումներ) ոլորտի տնտեսագիտական դասակարգման 4729 (այլ նպաստներ բյուջեից) պակասեցնել 4 200 000 (չորս միլիոն երկու հարյուր հազար) ՀՀ դրամ և ավելացնել նույն ոլորտի տնտեսական դասակարգման՝

ա. 4267 (կենցաղային և հանրային սննդի նյութեր) հոդվածին՝ 500 000 (հինգ հարյուր հազար) ՀՀ դրամ,

բ. 4261 (գրասենյակային նյութեր և հագուստ) հոդվածին՝ 250 000 (երկու հարյուր հիսուն հազար) ՀՀ դրամ,

գ. 4266 (առողջապահական և լաբորատոր նյութեր) հոդվածին՝ 250 000 (երկու հարյուր հիսուն հազար) ՀՀ դրամ,

դ. 4239 (ընդհանուր բնույթի այլ ծառայություններ) հոդվածին՝ 2 200 000 (երկու միլիոն երկու հարյուր հազար) ՀՀ դրամ,

ե. 4212 (էներգետիկ ծառայություններ) հոդվածին՝ 500 000 (հինգ հարյուր հազար) ՀՀ դրամ,

զ. 4251 (շենքերի և կառույցների ընթացիկ նորոգում և պահպանում) հոդվածին՝ 500 000 (հինգ հարյուր հազար) ՀՀ դրամ:

2. Սույն որոշումն ուժի մեջ է մտնում հրապարակմանը հաջորդող օրվանից:

|         |       |           |
|---------|-------|-----------|
| Կողմ-11 | Դեմ-0 | Ձեռնպահ-0 |
|---------|-------|-----------|

Որոշումն ընդունված է. (կցվում է որոշում N 93-Ն)

**ԼՍԵՑԻՆ.**

**ԵՂԵԳՆԱԶՈՐ ՀԱՄԱՅՆՔԻ 2025 ԹՎԱԿԱՆԻ ԲՅՈՒՋԵԻ 2-ՐԴ ԵՌԱՄՍՅԱԿԻ ԸՆԹԱՑՔԻ ՄԱՍԻՆ**

**(Ձեկ. ՎԱՐԴԱՆ ԱՎԱԳՅԱՆ)**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 38-րդ հոդվածի 1-ին մասի 1-ին կետի պահանջներով և «Հայաստանի Հանրապետության բյուջետային համակարգի մասին» Հայաստանի Հանրապետության օրենքի 35-րդ հոդվածի 1-ին մասով՝ **ավագանին ո թ ո շ ե ց**.

1. Եղեգնաձոր համայնքի 2025 թվականի տարեկան բյուջեի 2-րդ եռամսյակի ընթացքի մասին հաղորդումն ընդունել ի գիտություն՝ համաձայն հավելվածի:

2. Սույն որոշումն ուժի մեջ է մտնում հրապարակմանը հաջորդող օրվանից:

|         |       |           |
|---------|-------|-----------|
| Կողմ-11 | Դեմ-0 | Ձեռնպահ-0 |
|---------|-------|-----------|

Որոշումն ընդունված է. (կցվում է որոշում N 94-Լ)

#### ԼՍԵՑԻՆ.

**ԵՂԵԳՆԱԶՈՐ ՀԱՄԱՅՆՔԻ ՀԱՄԱՅՆՔԱՅԻՆ ՍՈՑԻԱԼԱԿԱՆ ԾՐԱԳՐԻ  
ՇՐՋԱՆԱԿՆԵՐՈՒՄ ՏՐԱՄԱԴՐՎՈՂ ԱՋԱԿԳՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ**

(Զեկ. ՔՐԻՍՏԻՆԵ ՊՈՂՈՍՅԱՆ)

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 42-րդ կետով, հիմք ընդունելով Եղեգնաձոր համայնքի ավագանու 2025 թվականի հունիսի 20-ի թիվ 83-Լ որոշմամբ հաստատված համայնքային սոցիալական ծրագիրը (X գլուխ, 3-րդ պարբերություն) և ծրագրի շրջանակներում տրամադրվող աջակցության գործընթացն ապահովող հանձնաժողովի եզրակացությունը՝ **ավագանին ո թ ո շ ե ց**.

1. Հաստատել Եղեգնաձոր համայնքի համայնքային սոցիալական ծրագրի շրջանակներում տրամադրվող աջակցությունը՝ համաձայն հավելվածի:

2. Սույն որոշումն ուժի մեջ է մտնում հրապարակմանը հաջորդող օրվանից:

|         |       |           |
|---------|-------|-----------|
| Կողմ-11 | Դեմ-0 | Ձեռնպահ-0 |
|---------|-------|-----------|

Որոշումն ընդունված է. (կցվում է որոշում N 95-Ա)

#### ԼՍԵՑԻՆ.

**ԵՂԵԳՆԱԶՈՐ ՀԱՄԱՅՆՔՈՒՄ ԱՊԱՏԵՂԵԿԱՏՎՈՒԹՅԱՆ ԴԵՄ ՊԱՅՔԱՐԻ ՏԵՂԱԿԱՆ  
ՔԱՂԱՔԱԿԱՆՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ**

(Զեկ. ՎԱՐԴԱՆ ԱՎԱԳՅԱՆ)

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 42-րդ կետով՝ **ավագանին ո թ ո շ ե ց**.

1. Հաստատել Եղեգնաձոր համայնքում ապատեղեկատվության դեմ պայքարի տեղական քաղաքականությունը՝ համաձայն հավելվածի:

2. Սույն որոշումն ուժի մեջ է մտնում հրապարակմանը հաջորդող օրվանից:

|         |       |           |
|---------|-------|-----------|
| Կողմ-11 | Դեմ-0 | Ձեռնպահ-0 |
|---------|-------|-----------|

Որոշումն ընդունված է. (կցվում է որոշում N 96-Ա)

#### **ԼՍԵՑԻՆ.**

**0.97607 ՀԱ ՀՈՂԱՏԵՍՔԻ ՆՊԱՏԱԿԱՅԻՆ ՆՇԱՆԱԿՈՒԹՅՈՒՆԸ ՓՈՓՈԽԵԼՈՒ ՀԱՄԱՐ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ**

**(Զեկ. ՄԱՐԻՆԵ ՀՈՎՀԱՆՆԻՍՅԱՆ)**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 29-րդ, 31-րդ կետերի, Հայաստանի Հանրապետության հողային օրենսգրքի 3-րդ հոդվածի 1-ին կետի պահանջներով, հիմք ընդունելով Հայաստանի Հանրապետության կառավարության 2011 թվականի դեկտեմբերի 29-ի N 1920-Ն որոշմամբ հաստատված կարգի պահանջները և քաղաքացի Բագրատ Խաչատրյանի դիմումը՝ **ա վ ա գ ա ն ի ն ո ր ո շ Ե ց .**

1. Տալ համաձայնություն՝ Եղեգնաձոր համայնքի Եղեգնաձոր բնակավայրի վարչական սահմաններում գտնվող, քաղաքացի Բագրատ Արմենակի Խաչատրյանին սեփականության իրավունքով պատկանող գյուղատնտեսական նշանակության 0.97607 հա վարելահող հողատեսքի (անշարժ գույքի նկատմամբ իրավունքների պետական գրանցման վկայական՝ N 05032025-10-0001, կադաստրային ծածկագիր՝ 10-001-0309-0119) նպատակային նշանակությունը փոխելու բնակավայրերի հողերի, գործառնական նշանակությունը՝ հասարակական կառուցապատման՝ բիզնես գործունեություն ծավալելու նպատակով:

2. Սույն որոշումն ուժի մեջ է մտնում հրապարակմանը հաջորդող օրվանից:

|         |       |           |
|---------|-------|-----------|
| Կողմ-11 | Դեմ-0 | Ձեռնպահ-0 |
|---------|-------|-----------|

Որոշումն ընդունված է. (կցվում է որոշում N 97-Ա)

#### **ԼՍԵՑԻՆ.**

**0.05417 ՀԱ ՀՈՂԱՏԵՍՔԻ ՆՊԱՏԱԿԱՅԻՆ ՆՇԱՆԱԿՈՒԹՅՈՒՆԸ ՓՈՓՈԽԵԼՈՒ ՀԱՄԱՐ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ**

**(Զեկ. ՄԱՐԻՆԵ ՀՈՎՀԱՆՆԻՍՅԱՆ)**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 29-րդ, 31-րդ կետերի, Հայաստանի Հանրապետության հողային օրենսգրքի 3-րդ հոդվածի 1-ին կետի պահանջներով, հիմք ընդունելով Հայաստանի Հանրապետության կառավարության 2011 թվականի դեկտեմբերի 29-ի N 1920-Ն որոշմամբ հաստատված կարգի պահանջները և քաղաքացի Արմեն Մկրտչյանի դիմումը՝ **ավագանին ո ղ ո շ ե ց** .

1. Տալ համաձայնություն՝ Եղեգնաձոր համայնքի Գետափ բնակավայրի վարչական սահմաններում գտնվող, քաղաքացի Արմեն Լազրի Մկրտչյանին սեփականության իրավունքով պատկանող գյուղատնտեսական նշանակության 0.14618 հա վարելահող հողատեսքից (անշարժ գույքի նկատմամբ իրավունքների պետական գրանցման վկայական՝ N 05022025-10-0013, կադաստրային ծածկագիր՝ 10-014-0104-0055) 0.05417 հա-ի նպատակային նշանակությունը փոխելու բնակավայրերի հողերի, գործառնական նշանակությունը՝ հասարակական կառուցապատման՝ հյուրատուն կառուցելու նպատակով:

2. Սույն որոշումն ուժի մեջ է մտնում հրապարակմանը հաջորդող օրվանից:

|         |       |           |
|---------|-------|-----------|
| Կողմ-11 | Դեմ-0 | Ձեռնպահ-0 |
|---------|-------|-----------|

Որոշումն ընդունված է. (կցվում է որոշում N 98-Ա)

## **ԼՍԵՑԻՆ.**

**0.065 ՀԱ ՀՈՂԱՏԵՍՔԻ ՆՊԱՏԱԿԱՅԻՆ ՆՇԱՆԱԿՈՒԹՅՈՒՆԸ ՓՈՓՈԽԵԼՈՒ ՀԱՄԱՐ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ**

**(Ձեկ. ՄԱՐԻՆԵ ՀՈՎՀԱՆՆԻՍՅԱՆ)**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 29-րդ, 31-րդ կետերի, Հայաստանի Հանրապետության հողային օրենսգրքի 3-րդ հոդվածի 1-ին կետի պահանջներով, հիմք ընդունելով Հայաստանի Հանրապետության կառավարության 2011 թվականի դեկտեմբերի 29-ի N 1920-Ն որոշմամբ հաստատված կարգի պահանջները և քաղաքացի Վահե Փանոսյանի դիմումը՝ **ավագանին ո ղ ո շ ե ց** .

1. Տալ համաձայնություն՝ Եղեգնաձոր համայնքի Եղեգնաձոր բնակավայրի վարչական սահմաններում գտնվող, քաղաքացի Վահե Սամվելի Փանոսյանին սեփականության իրավունքով պատկանող գյուղատնտեսական նշանակության 0.065 հա վարելահող հողատեսքի (անշարժ գույքի նկատմամբ իրավունքների պետական գրանցման վկայական՝ N 29052025-10-0020, կադաստրային ծածկագիր՝ 10-001-0309-0123) նպատակային նշանակությունը փոխելու բնակավայրերի հողերի, գործառնական նշանակությունը՝ հասարակական կառուցապատման՝ սրճարան կառուցելու նպատակով:

2. Սույն որոշումն ուժի մեջ է մտնում հրապարակմանը հաջորդող օրվանից:

|         |       |           |
|---------|-------|-----------|
| Կողմ-11 | Դեմ-0 | Ձեռնպահ-0 |
|---------|-------|-----------|

Որոշումն ընդունված է. (կցվում է որոշում N 99-Ա)

#### **ԼՍԵՑԻՆ.**

**ՀԱՄԱՅՆՔԱՅԻՆ ՍԵՓԱԿԱՆՈՒԹՅՈՒՆ ՀԱՆԴԻՍԱՑՈՂ 0.00404 ՀԱ ՄԱԿԵՐԵՍՈՎ  
ՀՈՂԱՏԱՐԱԾՔՆ ՌԻԴԱԿԻ ՎԱՃԱՌՔՈՎ ՕՏԱՐԵԼՈՒ ՄԱՍԻՆ**

**(Զեկ. ՄԱՐԻՆԵ ՀՈՎՀԱՆՆԻՍՅԱՆ)**

Ղեկավարվելով Հայաստանի Հանրապետության հողային օրենսգրքի 66-րդ հոդվածի 1-ին մասի 3-րդ կետի և 2-րդ մասի, «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 21-րդ կետի պահանջներով և հիմք ընդունելով քաղաքացի Ռուզաննա Զաքարյանի դիմումը՝ **ավագանին ո ր ո շ ե ց .**

1. Եղեգնաձոր համայնքի Եղեգնաձոր քաղաքի Նարեկացու փողոց 3/10 հասցեում գտնվող, համայնքային սեփականություն հանդիսացող, բնակավայրերի նշանակության 0.00404 հա մակերեսով բնակելի կառուցապատման (կադաստրային ծածկագիր՝ 10-001-0051-0001-ից) ավտոտնակով ծանրաբեռնված հողամասն ուղղակի վաճառքով օտարել քաղաքացի Ռուզաննա Զուբարի Զաքարյանին:

2. Վաճառքի գին սահմանել 179 450 (մեկ հարյուր յոթանասունինը հազար չորս հարյուր հիսուն) ՀՀ դրամ (կադաստրային արժեքի 100 տոկոսը):

3. Սույն որոշումն ուժի մեջ է մտնում հրապարակմանը հաջորդ օրվանից:

|         |       |           |
|---------|-------|-----------|
| Կողմ-10 | Դեմ-0 | Ձեռնպահ-1 |
|---------|-------|-----------|

Որոշումն ընդունված է. (կցվում է որոշում N 100-Ա)

#### **ԼՍԵՑԻՆ.**

**«ԴԱՎԻԹ ՍՄԲԱՏՅԱՆ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ  
ԿՈՂՄԻՑ ՄԱԼԻՇԿԱ ԲՆԱԿԱՎԱՅՐԻ ՏԱՐԱԾՔՈՒՄ ՆԱԽԱՏԵՍՎՈՂ  
ԳՈՐԾՈՒՆԵՐՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏՐԱՄԱԴՐԵԼՈՒ ՄԱՍԻՆ**

**(Զեկ. ՍԱՄՎԵԼ ԱՅՎԱԶՅԱՆ)**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 42-րդ կետով և «Շրջակա միջավայրի վրա ազդեցության գնահատման և փորձաքննության մասին» Հայաստանի Հանրապետության օրենքի 16-րդ հոդվածի 3-րդ մասի պահանջով, հիմք ընդունելով 2025 թվականի հունիսի 23-ին Մալիշկա բնակավայրում անցկացված հանրային լսման արձանագրությունը և այն հանգամանքը, որ հանրային լսման արդյունքում բնակչությունը նախատեսվող գործունեությանը տվել է դրական կարծիք՝ **ավագանին ո ր ո շ ե ց .**

1. Տալ համաձայնություն՝ Եղեգնաձոր համայնքի Մալիշկա բնակավայրի վարչական տարածքում «Դավիթ Սմբատյան» սահմանափակ պատասխանատվությամբ ընկերության կողմից նախատեսվող գործունեությանը, համաձայն որի նախատեսվում է Մալիշկա բնակավայրում «Դավիթ Սմբատյան» ՍՊԸ-ի հիմնադիր տնօրեն Գագիկ Սմբատյանին պատկանող 1.7 հա տարածքում («Այդալիկ») իրականացվել Վայոցսար բազալտների երևակման երկրաբանական ուսումնասիրություն, օգտակար հանածոների արդյունահանում:

2. Սույն որոշումն ուժի մեջ է մտնում ստորագրման պահից:

|         |       |           |
|---------|-------|-----------|
| Կողմ-11 | Դեմ-0 | Ձեռնպահ-0 |
|---------|-------|-----------|

Որոշումն ընդունված է. (կցվում է որոշում N 101-Ա)

### ԼՍԵՑԻՆ.

**01.07.2025 ԹՎԱԿԱՆԻ ԴՐՈՒԹՅԱՄԲ ԵՂԵԳՆԱԶՈՐ ՀԱՄԱՅՆՔԻ ՀՈՂԱՅԻՆ ՀԱՇՎԵԿՇՈՒՆ ՀԱՄԱԶԱՅՆՈՒԹՅՈՒՆ ՏԱԼՈՒ ՄԱՍԻՆ**

(**Ձեկ. ՄԱՐԻՆԵ ՀՈՎՀԱՆՆԻՍՅԱՆ**)

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 42-րդ կետով և հիմք ընդունելով Հայաստանի Հանրապետության կառավարության 2000 թվականի հոկտեմբերի 23-ի թիվ 656 որոշմամբ հաստատված կարգի 9-րդ կետը՝ **ա վ ա գ ա ն ի ն ո թ ո չ ե ց .**

1. Տալ համաձայնություն 01.07.2025 թվականի դրությամբ Եղեգնաձոր համայնքի հողերի հաշվեկշռին:

2. Սույն որոշումն ուժի մեջ է մտնում հրապարակմանը հաջորդ օրվանից:

|         |       |           |
|---------|-------|-----------|
| Կողմ-11 | Դեմ-0 | Ձեռնպահ-0 |
|---------|-------|-----------|

Որոշումն ընդունված է. (կցվում է որոշում N 102-Ա)


Նիստին ներկա ավագանու անդամներ

ՎԱՐԴԱՆ ԱՎԱԳՅԱՆ

ԱՐՇԱՎԻՐ ԲԱՅԱԹՅԱՆ

ԱՍՏՂԻԿ ԲԱԲԱՅԱՆ

ԵՂԻՇԵ ՆԱԶԱՐՅԱՆ



ԷՄԻԼ ՍԱՐԳՍՅԱՆ

ԴԱՎԻԹ ՄՈՎՍԻՍՅԱՆ

ՆԵԿՏԱՐ ՀՈՎՀԱՆՆԻՍՅԱՆ

ՌՈՄԻԿ ՎԱՐԴԱՆՅԱՆ

ՄՈՒՇԵՂ ՆԵՐՍԻՍՅԱՆ

ՍԱՄՎԵԼ ՈՍԿԱՆՅԱՆ

ՏԻԳՐԱՆ ՆԱԶԱՐՅԱՆ

Համայնքի ղեկավարի առաջին տեղակալ

ՎԱՐԴԱՆ ԱՎԱԳՅԱՆ

Նիստին արձանագրեց՝ Մարինե Հովհաննիսյանը

